



# Il mas-chalch da Sent

Publicaziuns officialas. Cumpara seguond bsögn.  
2003/2005  
no. 22

7554 Sent, 6 avuost 2004 / rz

## Radunanza cumünala

La radunanza es gnüda fixada sün **lündeschdi, 16 avuost 2004** a las 20.15 in chasa cumünala.

Tractandas:

1. Protocol da la radunanza cumünala dals 24 gün 2004, acta 6
2. Müdamaint dal reglamaint per las taxas da cura
3. Müdamaint reglamaint taxa da promoziun (taxa d'affars) in connex cul proget d'innaiver (2. etappa)
4. Credit da fr. 700'000.-- per la 2. etappa d'innaiver (pista dal sömme)
5. Varia

## Infuormaziun a regard las tractandas 2 – 4

Il Cussagl cumünal fa la proposta da conceder ün credit da fr. 700'000.-- per realisar la 2. etappa da l'implant d'innaiver lung da la pista dal sömme. Il Cussagl es persvas cha quist proget es necessari per ün san svilup turistic in nos cumün. La pussibilità d'innaiver il traquet per rivar in cumün es hozindì in mincha destinaziun turistica "Standard" e vain pretaisa dals giasts. Sent es da tschella vart dependent da pudair mantegner quellas ca 100'000 pernottaziuns chi vegnan registradas fingià uossa e sun daspö divers ons stabilas.

Ils cuosts per l'implant sun gnüts calculats sün fr. 1'060'000.--. Da quels cuosts surpiglia, cul acconsentimaint da la radunanza, analog als cumüns da Scuol e Ftan, il cumün 2/3 (v.d. fr. 700'000.--). Per pudair finanzia quist import sto il cumün avair la pussibilità dad edscher üna "taxa", resp. augmantar taxas existentas. I fa dabsögn dad entradas annualas da fr. 70'000.-- (amortisaziun sün 10 ons). Üna part da quels fr. 70'000.-- po gnir cuvernada culla taxa da cura ch'id es gnüda dozzada l'on passà, e nun ha da gnir dozzada daplü. Per cuvernar tuot ils cuosts sto gnir dozzada la taxa da promoziun dal turissem (fin uossa nomnada taxa d'affars). L'import implü chi gniss inchaschè tras quista taxa es raduond fr. 22'000.--.

La proposta detagliada dal Cussagl cumünal pel augmuint as poja retrar sün büro da cumün a partir da subit.

## Il Cussagl cumünal

### Permiss per las vias champestras

Nus giavüschain da tachar las vignettas per las vias champestras bain visibel vi da la fanestra dal veicul. Id aintran eir denunzchas cunter quels chi han retrat la vignetta, però na tachà vi dal veicul. Quels vegnan multats sco na tut la vignetta.

### Permiss da mansteranza

Il Cussagl cumünal ha decis in sia sezzüda dals 12 schner 2004 d'introdüer üna taxa da mansteranza per parcar dürant il temp da lavur pro'ls fabricats. Tuot ils autos da la mansteranza ston avair sülla fanestra üna vignetta da mansteranza. A partir dals 1. september 2004 vegnan tuots chi nun han sü la vignetta chastats.

Las vignettas pon gnir retrattas a partir da subit sün büro cumünal.

## Pulizia cumünala / regiunala

### Sunteri a Sent - revocaziun da fossas

Il Cussagl cumünal ha decis as basond sün art. 2c) ed art. 18 dal reglamaint da sepultura e da sunteri da **levar las fossas no. 133 fin e cun no. 154** da la lingia sura a schnestra.

La parantella da quellas fossas vain giavüschada dad allontanar ils monumaints sepulcral e'ls talêrs da las fossas **fin il plü tard als 5 november 2004**.

Scha quai nu vess da gnir fat fin a quel termin, schi lascha il Cumün far quellas lavurs inchargiand ils cuosts a la parantella.

Aint il Fögl uffizial segua la listessa publicaziun. A la parantella vain comunicchè directamaing.

### Il Cussagl cumünal

### Viadis Guler Sent

Per seguaints viadis sun amo liber plazzas:

- **15 avuost 2004 Meran, visita il üert botanic**
- **9+10 october 2004 Europapark Rust**

Infuormaziuns ed annunzchas pro: Andri Guler 081/864 94 43

### Viadis Guler Sent

### Da dar a fit

a Sent a partir dals 1. october 2004 o cunvegna ün büro illa chasa Misoc (plan terrain).

Interessents dessan s'annunzchar pro'l Cumün da Sent: tel. 081/861 20 60.

### Administraziun cumünala

### Avis – Leger giò l'ura da l'aua

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò s'vessa l'ura da l'aua e d'indichar il stadi actual al büro cumünal fin il plü tard ils **10 avuost 2004**. Il Cumün as resalva il dret da far controllas da las indicaziuns.

#### Tagliar

### Indicaziun – ura da l'aua 2004

Stadi da l'ura da l'aua: ..... als .....

Chasa no. .... Possessur: .....

Quist fögl po gnir büttà aint illa chartera dal Cumün pro l'entrada da la chasa cumünala fin als **10 avuost 2004**.

### La schefa d'aua e chanalisaziun